



Selasa, 17 Desember 2024
Ogen: Lukas 19:1-10



"Pekena-kena Pertemanen"



W *Adi ersalah seninandu man bandu, **katakenlah** man bana salahna e, **asum kam dua-dua**. Adi **erkadiola** ia, enggo kap idatndu ia mulihi. Tapi **adi la kam ibegikenna, babalah temannu** sekalak ntah dua kalak gelah bagi tersurat i bas Pustaka Si Badia: "tep-tep pengadun enggo sah adi lit dua ntah telu kalak saksi." Luar biasa dengen menarik kal teks enda, sabap megati alu la si sadari sinik (lkurang peduli dengen peka) kita tupung lit kesalahan si terjadi si lebe-lebenta. Matius ningetken man banta; dikune lit kalak ersalah man banta, kataken kerna salahna e, ula sinik. Hal enda ngataken maka, salahna e nembah dengen ciga ateta tapi jelmana mekuah ate dengen ula sirangken tapi persingeti gelah lit dalanna robah. Jenari caranta ningetkenca pe la banci terem-teremi tapi tupung kita dua-dua, engkai maka bage tentuna gelah kita banci ngerana dari hati ke hati (la lit pihak ketelu si campuri cakapta erbahanca reh gerupuh-sontarna) bage pe si ersalah e la lit perasanna merasa i permelaken. Dikune persinget si isehken e la ibegikenna, emaka banci kita mindo penampat man temanta guna mpersingetisa janah epe tetap la banci teremi (dua/telu kalak).*

Kataken salahna tupung kam dua-dua, enda si jadi tema wari enda. Tema enda mabai kita gelah ibas kita mpersingeti kesalahan temannta, kita arus lebih bijak dengen peduli; adina kidekah enda ibas litna salah temannta man banta, si sinikken saja entah si kata-kataken man enterem kalak; tentu kenca si oge Kata Dibata wari enda lanai bage perbahanenta ibas mpersingeti kesalahan temannta. Kataken dengen persingeti salah adi temannta ersalah, singetken salahna adi temannta ersalah; ula sirangi dengen sinikken gelah lit dalanna robah dengen jera. Kataken dengen cakapkenlah salahna tupung kita pedempak ayo, ula permelaken gelah ia rukur dengen robah arah kesalahenna nari.